

# Bases 4<sup>u</sup> Premiu al Meyor Cantar

## 1. OXETU

Esti galardón tien como oxetu premiar el meyor cantar con lletra en llingua asturiana o gallego-asturianu, d'aluerdu con criterios de calidá musical, lliteraria y llingüística. El grupu o intérprete ganador va representar internacionalmente a Asturias nel Festival Internacional Liet 2010, organizáu col sofitu del Conseyu d'Europa. Son requisitos: que seya un cantar comercializáu a lo llargo del últimu añu, editáu y grabáu per primer vez, y que seya obra musical de creación orixinal de cualesquier xéneru nel so conxuntu, descartándose les pieces tradicionales yá esistentes y les versiones o adaptaciones d'obres de creación publicaes de mano n'otra llingua.

## 2. XURÁU

El xuráu va tar formáu por un máximu de nueve y un mínimu de cinco persones relacionaes col ámbitu de la música asturiana.

## 3. FINALISTES

Cada grupu musical o intérprete, nel casu de contar con varios cantares susceptibles de optar a esti Premiu, va tener qu'escoyer ún namás d'ellos por trabayu discográficu. Sobre esi cantar emitirá una votación cada miembru del xuráu. Del conxuntu de votaciones van resultar los cantares finalistes nun númeru non inferior a cinco obres. La condición de finalista implica l'actuación en directo col tema seleccionáu na Gala musical del Premiu al Meyor Cantar. Estos cantares finalistes van dase a conocer públicamente.

## 4. CEREMONIA D'ENTREGA

El fallu y la entrega del Premiu al Meyor Cantar va facese'l sábadu 20 de febreru nun conciertu públicu.

## 5. GALARDÓN Y OTROS BENEFICIOS

El galardón consiste nuna escultura orixinal y esclusiva d'un o una artista plástica asturiana de sonadía bien reconocida. El galardón va recibilu na ceremonia d'entrega la persona o persones qu'interpreten el cantar ganador. El Gobiernu del Principáu d'Asturies va mirar pola promoción y difusión del cantar nos medios de comunicación y nos eventos entamaos o promovíos pol propiu Gobiernu.

## 6. DERECHOS DE PROPIEDAD INTELECTUAL

La concesión del Premiu al Meyor Cantar en llingua asturiana en nengún casu va implicar cesión o limitación de los derechos de propiedad intelectual del so autor o autores nin de los compositores o compañíes discográfiques.

PREMIU AL  
MEYOR  
CANTAR